



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 726. Usque Ad Annum 813

**Fleury, Claude**

**August. Vind. [u.a.], 1760**

**VD18 90117859**

§.19. Ecclesia Ultrajectensis.

---

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

vitates se contulit, quarum Claves ablatas Romæ cum exarata Regis Pipini Donatione super Confessionem S. Petri deposuit. Hac ratione Papa in possessionem Civitatum viginti duarum immissus est, scilicet Ravennæ, Arimini, Pisauri, Fani, Cæsennæ, Senogalliæ, Aesii, Fori Popilii, Fori Livii, Castricari, Montis Feroni, Acerragii, quod hodie ignoratur, Montis Lucari, forte illius urbis, quæ hodie Nocerina dicitur, Serravallis, S. Mariniaci, Bobii, Urbini, Callii, Lucceolorum prope Candianum, Eugubii, Commacli, & Narniæ. Ita hæ Civitates ab Anastasio enumerantur, atque hoc Ecclesia Romana Principatus terreni nata est fundamentum.

## §. XIX.

*Ecclesia Ultrajectensis.*

Sanctus Bonifacius Archiepiscopus Moguntinus comperta Papæ Stephani II. \* electione datis ad eum litteris Communionem Sacræ Sedis, consilia & præsidium, quod ab Antecessoribus ejus, Gregoriis & Zacharia accepisset, petiit. Dicit se jam annis triginta sex S. Sedis Legatum esse; unde annus 754., si initium ducatur ab anno 718., dispicitur. Subjungit: *Rogo, ne mihi subirascearis, quod tardius ad te miserim. Quippe me plusquam triginta Ecclesiæ*

Sæcul. VIII.  
A. C. 755.

ep. 91.

\* Stephani III.

Sup. l. XLI.

§. 34.

Sæcul. VIII. *clesiæ reparandæ, quibus Pagani ignem*  
A. C. 755. *subjecerant, morabantur.*

*Ep. 97. Sup.*  
*t. XLI. §. I.*

Haud multo post tempore S. Bonifacius ad Stephanum Papam alteram epistolam dedit scriptam in hunc modum: Sergio Papa S. Petri Sedem tenente Presbyter vir piissimus Willibrordus, alio nomine Clemens, cum Romam venisset, a Papa ordinatus Presbyter, ad Nationem Infidelium Frisonum missus est, quibus prædicaret Evangelium. Is igitur quinquaginta annis ibi fidem prædicans maximam incolarum partem convertit, templa idolorum destruxit, Ecclesias ædificavit, & præter cæteras unam in honorem Salvatoris ibique, nempe in urbe Ultrajectensi, Sedem suam Episcopalem fixit. In illa civitate usque ad ultimam Senectutem permanens, ordinato sibi Successore, quiescit in pace. Cum deinde Carolomannus Francorum Princeps curam Ecclesiæ Ultrajectensis mihi dedisset, jussissetque, ut ibidem ordinarem Episcopum, præcipienti obsecutus sum. Nunc vero Episcopus Coloniensis contendit, sibi jus esse in hanc Sedem ob exiguam Ecclesiam in urbe Ultrajectensi, quam cum Willibrordus invenisset funditus collapsam, & restaurasset, in honorem S. Martini dedicavit. In rem suam affert Coloniensis, Regem Dagobertum Civitatem Ultrajectensem cum hac Ecclesia collapsa Sedi Coloniensi donavisse

ea conditione, ut Episcopus Coloniensis Sæcul. VIII.  
 Frisones converteret; quod vero effectum A. C. 755.  
 non dedit. Imo ne quidem ibi prædica-  
 vit, sed infideles fuerunt, donec Willibrordus ad eos missus est. Hodie vero Episcopus Coloniensis Ultrajectensem Civitatem sibi vindicare & Sedem Episcopalem suppressimere cupit. Respondi; majorem rationem habendam esse Mandati Sacræ Sedis, jubentis, Episcopum ibi constitui, qui Frisonum Genti Fidem prædicaret, quam fundatæ exiguæ Ecclesiæ, jam collapsæ & negligentia Episcoporum Coloniensium deserta. At ille a sententia sua non dimovetur. Igitur a Bonitate tua expecto, ut mihi mandes, an probetur tibi meum responsum, & ea omnia ex Tabulis Ecclesiæ tuæ describi cures, quæ in hac causa Sergius ad Willibrordum Episcopum scripsit. Aut si aliter tibi videtur, fac, ut sciam, & mandatis tuis obsequar. Sedem Coloniensem tunc temporis tenebat Hildebertus, qui ante breve tempus successerat Hildegario, a Saxonibus trucidato; ad eos enim a Rege Pipino missus fuerat de pace acturus.

Coint. ann.  
 753. n. 36.  
 &c.  
 Ann. Fuld.  
 an. 753.

§. XX.

*Lullus Archiepiscopus Moguntinus.*

Forſitan iſta Episcopi Coloniensis molimina S. Bonifacium annis gravem, & infirma valetudine affectum permoverint,